

蒼生司命

苗子化



四

蒼生司命 目錄

經論總抄

四言舉要

內景圖 并解

風寒感冒

藥性

諸證

卷一 元集

中風 一

中氣 二

胃風 三

瘟疫 蝦蟆大頭四

斑疹 五

內傷 飲食七情六慾

卷二 元集

中暑 七

燥症 八

濕症 九

火症 十

鬱症 十一

痰症 十二

卷三 亨集

咳嗽 十三

哮喘 短氣十四

瘧症 十五

霍亂 十六

泄瀉 十七

痢症 十八

卷四 亨集

嘔吐 十九

膈噎 二十

飢逆 二十一

吞酸 二十二

嘈雜 二十三

痞滿 二十四

腫脹 二十五

鼓症 二十六

卷五 利集

積聚 二十七

虛損 二十八

眩暈 二十九

頭痛 三十

胃脘心痛 三十一
腹痛 三十二

腰痛 三十三
脇痛 三十四

背痛 三十五

卷六 利集

諸氣 三十六
疝氣 三十七

脚氣 三十八
痛風 三十九

痿症 四十
麻木 四十一

目病 四十二

耳病 四十三

鼻病 四十四
附喉閉

口病 四十五

齒病 四十六

卷七 貞集

血症 四十七

溺血 四十八

便血 四十九

汗症 五十

瘧症 五十一

厥症 五十二

癰癩 五十三

健忘怔忡驚悸 五十四

三消 五十五

二濁 五十六

夢遺精滑 五十七
淋閉 五十八

秘結 五十九

卷八 貞集

黃疸 六十

痔漏 六十一

調經 六十二

崩漏 六十三

帶下 六十四

胎前 六十五

產後 六十六

五臟 六十七

六腑 六十八

蒼生司命目錄終

蒼生司命

卷二

花溪老人虞

搏天民輯

錢塘徐開先振公校

靜觀居士程

林雲來閱

海昌陳彝則子奇訂

暑証七

暑証脉虛身熱○背惡寒○面垢○身多汗○甚者悶亂不寧○
肤亦有輕重之別○故有冒暑○有傷暑○有中暑○冒暑黃
連香薷飲○益元散○瀉者五淋散○傷暑清暑益氣湯中
暑人參白虎湯○或清肺湯○隨其輕重而調治之○鮮有

不効者。昔潔古以靜而得之爲中暑。中暑陰症也。其病必頭痛惡寒。身形拘急。使周身之陽氣不得發越。大順散熱藥主之。動而得之爲中熱。中熱陽症也。其病必大發熱。大渴引飲。汗大泄。乃爲熱傷肺氣。白虎蒼朮等湯涼藥主之。噫。暑之與熱一病也。柰何分動靜。又分陰陽哉。彼所謂深堂大厦而受寒涼。使形體拘急。此正四時傷寒。稍一解表。則陽氣自伸。身熱自退。安得以中暑名之。况大順散本爲夏月人多食涼。

水瓜藥用此以治中寒嘔逆者耳。於中暑何與。若予所謂中暑者。卽經所謂邪之所湊。其氣必虛是也。惟其人中氣已虛。故邪熱得以深入。是熱傷氣分也。氣分熱傷。則脉虛。邪陽橫行。則身熱壅上。則面垢背惡寒。是宜以傷暑中暑名之。而以重劑治之也。其感之輕者。則爲冒暑。而以輕劑調之也。若中熱之人。中氣不虛。故身雖受大熱。此但肌肉受之。甚則延入腸胃。或渴或泄。身雖燥熱。而無倦怠。脉必強盛而不虛弱。

是有餘之証也。當用白虎黃連解毒清涼之劑治之。
非若傷暑不足之証。當清當補者比也。故曰。脉盛身
寒。得之傷寒。蓋寒傷形而不傷氣也。其卽避暑深堂
大廈而受寒涼之謂歟。又曰。脉虛身熱。得之傷暑。蓋
暑傷氣而不傷形也。其卽氣虛之人。暑邪深入之謂
歟。外夏月有中暍証。卽中暑也。但中暍太陽膀胱受
之中暑。心與小腸經受之。少有異耳。脉弦細芤遲。許
士云。傷暑脉弦細芤遲。何也。內經曰。寒傷形。熱傷氣。
傷氣而不傷形。則氣消而脉虛。所謂弦細芤遲。皆

虛脉也。仲景以弦爲陰。朱肱亦曰。中暑脉虛細弱。暑脉可知矣。脉虛而微弱。或浮大而散。或隱而不見。微弱隱大皆虛煩也。

中暑中熱辨

潔古云。靜而得之爲中暑。動而得之爲中熱。中暑者陰証。中熱者陽証。東垣云。避暑熱於深堂大厦得之者。名曰中暑。其病必頭痛惡寒。形體拘急。若行人於日中勞役得之者。名曰中熱。其病必頭痛發熱。大渴。

而引飲予觀此而疑之者已歷年矣。及觀源泗集而得王氏之論。深合予心。其言深堂大厦而得頭痛惡寒等症者。非暑邪也。身中陽氣受陰寒所遏而作也。此正四時傷寒之論。安可以中暑名之乎。夫暑熱者。夏令之天行也。人或飢餓勞動。元氣虧乏。暑氣乘虛而入。名曰中暑。其人元氣不虛。但酷熱侵傷。名曰中熱。其實一也。今以動靜所得分之何哉。是論也。實王氏心得之言。惜於中暑中熱二義尚欠明悉。予復補

其遺意經曰脉虛身熱得之傷暑蓋以其人元氣本
虛暑氣乘虛而入心脾二經故有脉虛身熱面垢燥
渴背惡寒小便秘澀等証皆不足之症也若其人元
氣不虛而遇此亢極之陽先侵肌膚漸入肺胃故成
壯熱頭痛肢節重痛大渴引飲脉洪而實此皆有餘
之症也故治不足者清暑益氣湯清燥湯人參白虎
湯皆補虛清熱之劑而發表通裏之治不得而與焉
治有餘者仲景用麻黃桂枝石膏知母黃芩知母湯

麻黃雖不宜於夏而治法大意可見○丹溪用黃連香
薷飲黃連解毒湯此皆發表清裏之劑而補益調養
之治不得而與焉故活人書云夏月得病有四症傷
寒傷風脉証互見中暑中熱疑似難明脉盛壯熱謂
之中熱脉虛身熱謂之中暑此以脉之或虛或盛身
之壯熱微熱辨之也合而觀之則知中暑中熱惟有
虛實之分斷無動靜之別其不可以受寒涼而名中
者也益明矣或曰夏月又有中暍此又何別也予曰

仲景云。太陽中暍。發熱惡寒。身重而痛者。成氏謂表
中暍也。脉弦細。扎遲者。成氏謂暑脉虛也。小便已。洒
洒然毛聳。手是逆冷者。成氏謂太陽經氣虛也。是可
見暍與暑皆以虛而受熱。其証二而一者也。但暑中
少陰心經暍。中太陽膀胱經爲少異耳。至於用藥皆
以人參白虎湯。暑暍二証豈相遠乎哉。

暑証方

香薷飲 治夏至後一切暑熱。腹痛。及霍亂吐利。心